

Na osnovu člana 13. Zakona o industrijskom vlasništvu u Bosni i Hercegovini ("Službeni glasnik BiH", br. 3/02), a na prijedlog v.d. direktora Instituta za standarde, mjeriteljstvo i intelektualno vlasništvo Bosne i Hercegovine, Ministarstvo vanjske trgovine i ekonomskih odnosa Bosne i Hercegovine donosi

ODLUKU

O POSEBNIM TROŠKOVIMA POSTUPKA ZA STICANJE I ODRŽAVANJE PRAVA INDUSTRIJSKOG VLASNIŠTVA

(„Službeni glasnik BiH“ 29/02)

Član 1.

1. Ovom odlukom uređuju se posebni troškovi postupka koji se plaćaju za radnje u postupcima sticanja, održavanja, prometa i prestanka prava industrijskog vlasništva pred Institutom za standarde, mjeriteljstvo i intelektualno vlasništvo Bosne i Hercegovine (u daljem tekstu: Institut).
2. Posebnim troškovima postupka u smislu stava 1. ovog člana smatraju se i troškovi za ostale usluge koje pruža Institut u vezi sa zaštitom prava industrijskog vlasništva.
3. Posebni troškovi postupka plaćaju se Institutu.

Član 2.

Spisi i radnje za koje se plaćaju posebni troškovi postupka kao i iznos posebnih troškova postupka utvrđuju se Tarifom posebnih troškova postupka (u daljem tekstu: Tarifa), koja je sastavni dio ove odluke.

Član 3.

1. Obveznik plaćanja posebnih troškova postupka je lice po čijem je zahtjevu pokrenut postupak ili se vrše radnje predviđene Tarifom.
2. Lice koje se bavi zastupanjem u postupku zaštite industrijskog vlasništva dužno je platiti posebne troškove postupka za radnje utvrđene Tarifom i to, za polaganje posebnog stručnog ispita, za upis u registar zastupnika i obnovu upisa u registar kod Instituta, na način i u skladu sa propisima kojima je uređena ova materija.

Član 4.

1. Lice koje zahtijeva pružanje ostalih usluga Instituta dužno je platiti troškove tih usluga.
2. Ostalim uslugama, u smislu ove odluke, smatraju se naročito: oglašavanje u Službenom glasniku Instituta, izdavanje stručnih publikacija, izdavanje isprave o priznatom pravu, izdavanje patentnog spisa, usluge pretraživanja baza podataka, specijalističko obrazovanje (organizovanje stručnih kurseva, seminara, savjetovanja, predavanja i sl.), fotokopiranje dokumenata koji su vezani za prijavljena i priznata prava industrijskog vlasništva.

Član 5.

1. Ako Tarifom nije drugačije propisano, obaveza plaćanja posebnih troškova postupka nastaje:

- a) za podneske - u trenutku kada se predaje ili u roku određenom u pozivu Instituta,
- b) za rješenje i druge isprave - u trenutku podnošenja zahtjeva za njihovo izdavanje,
- c) za pravne radnje - u trenutku podnošenja zahtjeva za izvršenje tih radnji.

2. Posebni troškovi postupka plaćaju se u trenutku nastanka obaveze, ako ovom odlukom nije drugačije određeno.

Član 6.

Ako je Tarifom određeno da se posebni troškovi plaćaju prema stvarnim troškovima, kao osnovica za obračun uzima se vrijednost usluge iskazane u ispravi ili fakturi uvećane za 30% na ime stvarnih troškova Instituta.

Član 7.

U rješenju ili drugoj ispravi za koju su plaćeni posebni troškovi postupka mora se označiti da su posebni troškovi postupka plaćeni, u kojem iznosu i po kojem tarifnom broju.

Član 8.

Od plaćanja posebnih troškova postupka oslobođeni su:

- a) institucije Bosne i Hercegovine;
- b) humanitarne i dobrotvorne organizacije registrirane u Bosni i Hercegovini.

Član 9.

Od plaćanja posebnih troškova postupka oslobođeni su slijedeći spisi i radnje:

- a) u postupku za povraćaj nepravilno naplaćenih posebnih troškova postupka,
- b) u postupku za ispravku grešaka u rješenjima, drugim ispravama i službenim evidencijama (registri, Službeni glasnik Instituta).

Član 10.

1. Posebni troškovi postupka plaćaju se u konvertibilnim markama.
2. Strana pravna i fizička lica plaćaju posebne troškove postupka preko registrovanih zastupnika za zaštitu industrijskog vlasništva u skladu sa odredbama ove odluke.

Član 11.

1. Lice koje je platilo posebne troškove postupka koje nije bilo dužno da plati, ima pravo na povrat novca u visini naplaćenih posebnih troškova postupka.
2. Postupak za povrat posebnih troškova postupka pokreće se po zahtjevu lica iz stava 1. ovog člana.
3. Povrat posebnih troškova postupka vršit će se za uplate iz stava 1. ovog člana koje su učinjene od dana stupanja na snagu ove odluke.

4. Rješenje o povratu posebnih troškova postupka donosi Institut.
5. Povrat posebnih troškova postupka vrši se na teret prihoda budžeta Bosne i Hercegovine.

Član 12.

Pravo na naplatu posebnih troškova postupka zastarjeva u roku od dvije godine računajući od dana kada je trebalo platiti posebne troškove postupka, a pravo na povrat posebnih troškova postupka zastarjeva za dvije godine od kada su posebni troškovi plaćeni.

Član 13.

1. Kontrolu primjene propisa o posebnim troškovima postupka vrši Ministarstvo vanjske trgovine i ekonomskih odnosa BiH.
2. Unutrašnju kontrolu primjene propisa o posebnim troškovima postupka vrši Institut u okviru obavljanja svoje djelatnosti.

Član 14.

Stupanjem na snagu ove odluke prestaje da važi Odluka o visini posebnih troškova postupka za sticanje i održavanje u važnosti prava kojima se štite pronalasci i znaci razlikovanja ("Službeni list RBiH", broj 11/96).

Član 15.

Ova odluka stupa na snagu osmog dana od dana objave u "Službenom glasniku BiH", a objavit će se i u službenim glasilima entiteta i Brčko Distrikta Bosne i Hercegovine.

TARIFA

POSEBNIH TROŠKOVA POSTUPKA

(„Službeni glasnik BiH“ 29/02)

I - POSEBNI TROŠKOVI POSTUPKA ZA SPISE I RADNJE PRED INSTITUTOM

Posebni troškovi postupka za spise i radnje pred Institutom iznose u KM, i to:

1. Patenti

TAR. broj 1.

- a) Za prijavu patenta 100 KM
- b) Za svaku stranicu sadržine prijave preko trideset stranica 2 KM
- c) Za svaki patentni zahtjev preko desetog 3 KM

Napomena:

a) Fizička lica - podnosioci prijave koja su ujedno pronalazači, plaćaju troškove postupka iz ovog tar. broja u iznosu umanjenom za 50%.

b) Članovi Saveza inovatora BiH(SIBiH) ne plaćaju Institutu troškove postupka iz ovog tar. broja.

TAR. broj 2.

Za zahtjev za potpuno ispitivanje prijave patenta 1.200 KM

Napomena:

Postupanje po zahtjevu iz ovog tar. broja uslovljeno je obaveznim prethodnim osiguranjem izvještaja o stanju tehnike.

TAR. broj 3.

Za dodjelu patenta prema članu 41. Zakona o industrijskom vlasništvu (patent sa skraćenim trajanjem) 300 KM

Za dodjelu patenta prema članu 44. Zakona o industrijskom vlasništvu 400 KM

TAR. broj 4.

Za održavanje patenta:

a) I godina 50 KM

b) II godina 60 KM

c) III godina 70 KM

d) IV godina 80 KM

e) V godina 90 KM

f) VI godina 110 KM

g) VII godina 135 KM

h) VIII godina 160 KM

i) IX godina 200 KM

j) X godina i svaka slijedeća do XX-te 300 KM

Napomena:

a) Fizička lica - podnosioci prijave koja su ujedno i pronalazači, plaćaju troškove postupka iz ovog tar. broja u iznosu umanjenom za 50%.

b) Godišnji troškovi postupka iz ovog tar. broja odnose se na 12-mjesečno razdoblje koje počinje teći danom podnošenja prijave, a uplaćuju se prije početka 12-mjesečnog razdoblja na koje se odnose.

c) Ako godišnji troškovi postupka iz ovog tar. broja nisu plaćeni u roku, mogu se platiti u naknadnom 6-mjesečnom roku i to u iznosu redovnih troškova postupka uvećanih za 50%.

TAR. broj 5.

Za rješenje po zahtjevu:

a) za upis u registar prijenosa prava ili licence 40 KM

b) za upis ostalih promjena u registre 25 KM

TAR. broj 6.

Za zahtjev za prestanak patenta u slučaju nekorištenja 150 KM

Za prijedlog za oglašavanje ništavim rješenja o priznanju patenta 200 KM

TAR. broj 7.

Za prijedlog za utvrđivanje da je dopunska prijava postala osnovna prijava patenta 40 KM

Za prijedlog za utvrđivanje da je dopunski patent postao osnovni patent 40 KM

TAR. broj 8.

Za zahtjev za pretvaranje prijave industrijskog dizajna u prijavu patenta 15 KM

TAR. broj 9.

Za potvrdu o pravu prvenstva 20 KM

TAR. broj 10.

Za izvod iz registra 10 KM

TAR. broj 11.

Za zahtjev za prekoredno objavljivanje 150 KM

TAR. broj 12.

Za zahtjev za prekoredno ispitivanje 250 KM

Napomena:

Fizička lica podnosioci prijave koja su ujedno i pronalazači, plaćaju troškove postupka iz ovog tar. broja u iznosu umanjenom za 50%.

TAR. broj 13.

Za prosljeđivanje međunarodne prijave patenta (član 14. Pravilnika PCT) 50 KM

TAR. broj 14.

Za određivanje MKP broja (Međunarodna klasifikacija patenata) 80 KM

2. Žigovi

TAR. broj 15.

1. Za prijavu žiga:

a) osnovni troškovi postupka 100 KM

b) dodatni troškovi postupka, za svaku klasu roba i usluga preko tri klase međunarodne klasifikacije roba i usluga ustanovljene Ničanskim aranžmanom (Ničanska klasifikacija) 10 KM

2. Za zahtjev za međunarodnu registraciju žiga 50 KM

Napomena:

Za prijavu kolektivnog žiga troškovi postupka iz ovog tar. broja plaćaju se u dvostrukom iznosu.

TAR. broj 16.

Za uređenje prijave žiga, ako robe i usluge nisu klasifikovane prema Ničanskoj klasifikaciji:

a) po klasi 10 KM

b) po naznaci robe i usluge 5 KM

TAR. broj 17.

Za zahtjev za razdvajanje prijave žiga 80 KM

Za zahtjev za razdvajanje žiga 200 KM

TAR. broj 18.

Za održavanje prava na žig, za razdoblje od 10 godina:

a) osnovni troškovi postupka 250 KM

b) dodatni troškovi postupka, za svaku klasu roba i usluga preko tri klase Ničanske klasifikacije 25 KM

c) za održavanje važenja žiga u BiH po prijavi žiga u kojoj je zahtijevano pravo prvenstva prijave podnesene kod nadležnog organa bivše SFRJ, po kojoj upravni postupak nije okončan do 1. marta 1992. godine, za svaku godinu nakon navedenog datuma do podnošenja prijave Institutu 25 KM

Napomena:

1. Za održavanje prava na kolektivni žig troškovi iz ovog tar. broja plaćaju se u dvostrukom iznosu.

2. Ako troškovi postupka iz ovog tarifnog broja nisu plaćeni u zakonskom roku, mogu se platiti u roku od šest mjeseci nakon isteka datuma važenja žiga i to u iznosu redovnih troškova postupka uvećanih za 50%.

3. Za obračun troškova postupka pod tač. c) ovog tar. broja period duži od šest mjeseci računa se kao puna godina.

TAR. broj 19.

Za rješenje po zahtjevu za upis promjena u registar, i to:

a) promjene koje se odnose na žig (prijenos prava, statusne promjene i promjene oblika organizovanja nastale kod podnosioca prijave odnosno nosioca žiga, sticaoca licence, franšize odnosno zalogoprimca, ograničenje popisa roba i usluga) 25 KM

b) upis licence, podlicence, franšize, zaloga, prinudno izvršenje 40 KM

TAR. broj 20.

Za rješenje po zahtjevu:

a) za oglašavanje ništavim rješenja o priznanju žiga 200 KM

b) za prestanak žiga zbog nekorištenja 150 KM

TAR. broj 21.

Za zahtjev za ponovni upis žiga u registar 200 KM

TAR. broj 22.

Za uvjerenje o pravu prvenstva 20 KM

TAR. broj 23.

Za izvod iz registra 10 KM

TAR. broj 24.

Za zahtjev da se u slučaju spora u vezi sa povredom prava prijava žiga ispita po hitnom postupku 100 KM

Za zahtjev podnosioca za hitno ispitivanje prijave žiga 250 KM

3. Industrijski dizajn

TAR. broj 25.

Za prijavu industrijskog dizajna:

a) osnovni troškovi postupka 40 KM

b) dodatni troškovi postupka za svaki industrijski dizajn kod višestruke prijave 10 KM

Napomena:

Fizička lica - podnosioci prijave koja su ujedno i autori, plaćaju troškove postupka iz ovog tar. broja u iznosu umanjenom za 50%.

TAR. broj 26.

Za održavanje važenja industrijskog dizajna za razdoblje od 10 godina:

- a) za jedan industrijski dizajn 150 KM
- b) za svaki slijedeći industrijski dizajn kod višestruke registracije 50 KM

Napomena:

Fizička lica podnosioci prijave koja su ujedno i autori, plaćaju troškove postupka iz ovog tar. broja u iznosu umanjenom za 50%.

TAR. broj 27.

Za rješenje po zahtjevu:

- a) za upis prijenosa prava ili licence u registre 40 KM
- b) za upis ostalih promjena u registre 25 KM

TAR. broj 28.

Za prijedlog za oglašavanje ništavim rješenja o priznanju industrijskog dizajna 200 KM

Napomena:

Fizička lica-podnosioci prijave koja su ujedno i autori, plaćaju troškove postupka iz ovog tar. broja u iznosu umanjenom za 50%.

TAR. broj 29.

Za zahtjev za pretvaranje prijave patenta u prijavu industrijskog dizajna 15 KM

TAR. broj 30.

Za izdavanje uvjerenja o pravu prvenstva:

- a) za jedan primjerak uvjerenja 20 KM
- b) za svaki dodatni primjerak uvjerenja 10 KM

TAR. broj 31.

Za izdavanje izvoda iz registra:

- a) za jedan primjerak izvoda 10 KM
- b) za svaki dodatni primjerak izvoda 5 KM

TAR. broj 32.

Za zahtjev za prekoredno ispitivanje prijave industrijskog dizajna 250 KM

Napomena:

Fizička lica - podnosioci prijave koja su ujedno i autori, plaćaju troškove postupka iz ovog tar. broja u iznosu umanjenom za 50%.

4. Geografska oznaka

TAR. broj 33.

Za upis u registar geografskih oznaka 400 KM

TAR. broj 34.

Za upis promjena u registar 25 KM

5. Žalba

TAR. broj 35.

Za žalbu Komisiji za žalbe Instituta 200 KM

Napomena:

Za rješenje doneseno po žalbi ne plaćaju se posebni troškovi postupka.

6. Objavljivanje u Službenom glasniku Instituta

TAR. broj 36.

Za objavljivanje prijave patenta u Službenom glasniku Instituta 15 KM

Za objavljivanje podataka o priznatom patentu u Službenom glasniku Instituta 15 KM

TAR. broj 37.

Za objavljivanje žiga i objavljivanje produženja važenja žiga u Službenom glasniku Instituta:

a) ako popis roba i usluga sadrži do tri klase Ničanske klasifikacije 15 KM

b) za svaku dalju klasu preko treće klase 1 KM

TAR. broj 38.

Za objavljivanje industrijskog dizajna u Službenom glasniku Instituta:

a) do tri prikaza jednog industrijskog dizajna 15 KM

b) za svaki slijedeći prikaz jednog industrijskog dizajna 10 KM

c) za eventualnu objavu opisa karakterističnih osobnosti i obilježja industrijskog dizajna 20 KM

d) za objavu industrijskog dizajna u formatu većem od standardnog (4X4cm) 30 KM

TAR. broj 39.

Za objavljivanje registrovane geografske oznake 15 KM

TAR. broj 40.

Za objavljivanje podataka o promjenama u registrima prijava i priznatih prava koje vodi Institut 15 KM

Napomena:

Podaci o promjeni zastupnika u registru prava se ne objavljuju.

II - ZASTUPNICI ZA ZAŠTITU INDUSTRIJSKOG VLASNIŠTVA

TAR. broj 41.

Stručni ispit za zastupnika 200 KM

TAR. broj 42.

Popravni ispit za zastupnika 150 KM

TAR. broj 43.

Upis u registar zastupnika 350 KM

Upis promjena podataka u registru zastupnika 25 KM

TAR. broj 44.

Obnavljanje upisa u registar zastupnika, za svaku godinu 200 KM

III - PRETPLATA NA SLUŽBENI GLASNIK, OGLAŠAVANJE, PRETRAŽIVANJE BAZA PODATAKA

1. Pretplata na Službeni glasnik Instituta

TAR. broj 45.

- a) Službeni glasnik Instituta - godišnja pretplata 60 KM
- b) Službeni glasnik Instituta - godišnja pretplata za inostranstvo 150 KM
- c) Službeni glasnik Instituta - jedan primjerak 15 KM
- d) Službeni glasnik Instituta u elektronskoj formi (CD) - (jedan primjerak ili godišnje izdanje), po 10 KM
- e) Službeni glasnik Instituta u elektronskoj formi (CD) - zbirka izdatih glasnika - po svakoj godini 50 KM

2. Oglašavanje u Službenom glasniku Instituta

TAR. broj 46.

Objavljivanje oglasa u Službenom glasniku Instituta:

- 1. zadnja stranica korica 1/1 500 KM

2. zadnja stranica korica $\frac{1}{2}$ 300 KM
3. druga i treća stranica korica po $\frac{1}{1}$ 450 KM
4. druga i treća stranica korica po $\frac{1}{2}$ 250 KM
5. ostale stranice $\frac{1}{1}$ 300 KM
6. ostale stranice $\frac{1}{2}$ 200 KM
7. ostale stranice $\frac{1}{4}$ 150 KM
8. ostale stranice $\frac{1}{8}$ 100 KM

3. Pretraživanje

TAR. broj 47.

1. Pretraživanje baza podataka prijavljenih i priznatih žigova za verbalni znak po kriteriju identičnosti - po jednom upitu 20 KM
2. Pretraživanje baza podataka prijavljenih i priznatih žigova za verbalni znak po kriteriju sličnosti - po jednom upitu:
 - a) ako popis roba obuhvata do tri klase Ničanske klasifikacije 40 KM
 - b) za svaku klasu preko tri klase Ničanske klasifikacije 5 KM
 - c) ako klase roba i usluga nisu naznačene 250 KM
3. Pretraživanje baza podataka prijavljenih i priznatih žigova za figurativni znak - po jednom upitu:
 - a) ako popis roba obuhvata do tri klase Ničanske klasifikacije 60 KM
 - b) za svaku klasu preko tri klase Ničanske klasifikacije 5 KM
 - c) ako klase roba i usluga nisu naznačene 250 KM
 - d) Pretraživanje baza podataka prijavljenih i priznatih žigova po podnosiocu/nosiocu - po jednom upitu 60 KM
 - e) Pretraživanje baza podataka prijavljenih i priznatih žigova prema posebno definisanom upitu 50 KM

TAR. broj 48.

Pretraživanje baza podataka prijava i priznatih patenata - po jednom kriteriju 50 KM

TAR. broj 49.

Izrada izvještaja o stanju tehnike.

Cijena usluge se utvrđuje prema stvarnim troškovima.

TAR. broj 50.

Za pretraživanje raspoloživog fonda industrijskog dizajna:

- a) po zadatom nazivu proizvoda prema Lokarnskoj klasifikaciji za industrijski dizajn 50 KM
- b) po jednom od kriterija 60 KM

IV - ŠTAMPANJE PATENTNOG SPISA I ISPRAVE O PRIZNATOM PRAVU

TAR. broj 51.

a) Štampanje patentnog spisa:

- jedna stranica glatkog sloga 15 KM
- jedna stranica slike/cртеža 20 KM

b) Štampanje isprave o patentu 100 KM

c) Štampanje isprave o žigu 100 KM

d) Štampanje isprave o geografskoj oznaci 100 KM

e) Štampanje isprave o industrijskom dizajnu 100 KM

V - OSTALE RADNJE I SPISI

TAR. broj 52.

Za zaključak po prijedlogu za povraćaj u pređašnje stanje 50 KM

TAR. broj 53.

Za zahtjev za produženje roka koji se određuje u toku postupka:

- a) prvi zahtjev 10 KM
- b) svaki slijedeći 15 KM

TAR. broj 54.

Za upis promjene podataka o zastupniku u registru prijava i priznatih prava 25 KM

TAR. broj 55.

Za potvrde, duplikate dokumenata i uvjerenja o podacima u vezi sa prijavljenim i priznatim pravima 10 KM

TAR. broj 56.

Na molbe, prijedloge i druge zahtjeve, ako ovom Tarifom nisu propisani drugi troškovi postupka 5 KM

TAR. broj 57.

Usluge specijalističkog obrazovanja koje se odnose na organiziranje i održavanje stručnih kurseva, seminara, savjetovanja, simpozija, tribina, predavanja i slično.

Cijena usluge se utvrđuje prema stvarnim troškovima.

TAR. broj 58.

Fotokopiranje dokumenata koji su vezani za prijavljena i priznata prava industrijskog vlasništva (jedna stranica) 1 KM